



Ukuhlomisa izingane zethu
ngelikusasa

RI 1

Isihloko sesifundo: Ukubizwa - AbaProfethi (Ingxenye 2)

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa **Ukubizwa - AbaProfethi (Ingxenye 2)**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga lesiQinisiso 2. 2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -2 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Ukubizwa - AbaProfethi (Ingxenywe 2)
Umbhalo weBhayibheli	UJeremiya 1: 4 - 10 no-2 AmaKhosi 18 – 20
Inhloso yesifundo	Izingane zifunda ukuthi uNkulunkulu wabakhetha kanjani abaprofethi futhi wayesebenza kanjani ngabo.

Isifundo esifingqiwe:

- UNkulunkulu waqoka uJeremiya ukuba abe ngumProfethi.
- Wamnika izipho ezidingekayo zokuthunywa kwakhe.
- UNkulunkulu welula isandla saKhe, wathinta umlomo kaJeremiya wathi: “Bheka, ngibekile amazwi ami emlonyeni wakho”. (Jeremiya 1: 9).
- Abaprofethi abasibo abaphathi besikhonzo njenganamuhla, isibonelo:
 - > UJona wathola umsebenzi wokuthunywa owodwa ovela kuNkulunkulu.
 - > UJeremiya no-Isaya bona babematasana kukho konke ukuphila kwabo.
 - > UNkulunkulu wakhuluma nabo uqobo.
- UHezekiya wayeneminyaka engama-25 lapho ebekwa njengenkosi kwaJuda.
- Wayemesaba uNkulunkulu futhi egcina iMiyalo yeNkosi.
- Wayemethemba ngempela uNkulunkulu.
- USaneheribi inkosi yase-Asiriya, walwa noJuda.
- Wathumba yonke imizi yaseJudiya eyayinamandla.
- Wabe esethatha ibutho elikhulu waya nalo eJerusalema ukuyothatha inhlokodolobha yezwe lapho uHezekiya wayehlala khona.
- Abase-Asiriya bakanisa eduze kwedolobha laseJerusalema.
- Izithunywa zase-Asiriya zahlekisa ngoHezekiya ngokwethemba uNkulunkulu.
- UHezekiya wathumela izithunywa kumprofethi u-Isaya ukuba ziyocela usizo.
- Wabe eseya ethempelini eyothandaza kuNkulunkulu.
- UNkulunkulu wathumela umprofethi kuHezekiya ukuba amtshele athi: “Ngizwile lokho okuthandazile ngenxa kaSaneheribi. Leli yizwi laMi: Ngeke angene kulo muzi, ngifuna ukuwuvikela.”
- Ngabo lobo busuku, ingelosi yeNkosi yaphuma yabulala amadoda ayi-185,000 ekamu lase-Asiriya.
- USaneheribi wabulawa amadodana akhe ngesikhathi ethandaza kunkulunkulu wakhe uNisiroki.
- UHezekiya wagula kakhulu, uNkulunkulu wathumela u-Isaya kuye ukuthi amtshele ukuthi uzokufa.
- UHezekiya wakhala kamunyu futhi wacela usizo kuNkulunkulu.
- INkosi yaphinde yathumela umprofethi u-Isaya kuye yathi, “Isho kanje iNkosi: Ngizwile umkhuleko wakho, ngizibonile izinyembezi zakho; impela ngizokuphilisa. Futhi ngiyonezela ezinsukwini zakho iminyaka eyishumi nanhlanu. Ngizokukhulula wena nalo muzi esandleni senkosi yase-Asiriya.”



Funda: Isaya 2: 2-3

- Siyasibona lesi siprofetho sika-Isaya ukuthi sigcwaliseka kanjani esikhathini sethu.
- U-Isaya waloba isiprofetho naso esingasethu nesibheke esikhathini esizayo.

Funda: Isaya 65: 17-18

- Lesi siprofetho asikenzeki.
- Nokho, lokho uNkulunkulu akwembule ngomprofethi waKhe kuzogcwaliseka.
- Isiprofetho esibaluleke kakhulu kithi sanikezwa nguJesu uqobo kuJohane 14:3:
“Nanxa ngiya nginilungiselela indawo, ngobuye ngize, nginibuyisele kiMi ukuba lapho ngikhona nibe-khona nani.”
- Silinda nsuku zonke ukuthi lesi sithembiso sikaJesu sigcwaliseke.

Ingabe sisifundisa ini lesisifundo na?

- INkosi yasiza uHezekiya ukuphuma esimweni esingenathemba.
Nathi singathembela osizweni lukaNkulunkulu, noma ezimeni ezibonakala zingenathemba.
- UHezekiya wasethemba isithunywa sikaNkulunkulu.
Nathi siyazethemba izithunywa zikaNkulunkulu (izikhonzi) zesikhathi sethu.
- UHezekiya wayemethemba uNkulunkulu.
Nathi sifuna ukubeka ithemba lethu kuNkulunkulu.
- UNkulunkulu wayizwa imithandazo kaHezekiya.
UNKulunkulu uyayizwa nemithandazo yethu.
 - UNkulunkulu uzosifeza isithembiso saKhe, ubelokhu elungiselela lo mcimbi kusukela ngaphambi kokuzalwa kweNdodana yaKhe, uJesu Kristu. Umsebenzi wethu uwukuthi:

Hlala uthembekile kuze kube sekupheleni!

Yenza isivivinyo 1 no 2 nengane yakho

Izimpendulo zesivivinyo 1.

Ivesi 5 - Ukukhethwa

Ivesi 8 - Izinsiza kusebenza

Ivesi 10 - Ukuthunywa



Eminye imibuzo esingayibuza:

1. Ingabe kwenzekani ngesenzo sokugcotshelwa ubusebenzi na?

Impendulo: Abazalwane besilisa bathola ukuthunywa negunya lesikhonzo ngokubekwa kwezandla nangomkhuleko ngumPhostoli ophilayo ngalokhu baqokelwa isikhonzo esithile (IDikoni, umPristi, umPhostoli).

2. Ingabe ucabanga ukuthi yini eyandulela ukugcotshelwa ubusebenzi na?

Impendulo: Ukukhetha nokubiza kukaNkulunkulu

3. Ingabe yimiphi imisebenzi abaprofethi ababenayo na?

Impendulo: Ukubuka nokululeka abantu - baxwayisa abantu bakwa-Israyeli ukuthi bashiye isono baphenduke; Ukumemezela nokubikezela izehlakalo - ngazo iziprofetho uNkulunkulu wembula izinto ezikhona esikhathini esizayo.

4. AbaProfethi u-Isaya noMika babikezela ukuza koMhlengi eminyakeni engu- _____ ngaphambi kokuzalwa kukaKristu.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen